

震驚失色。有託人在燕京運動求赦者。至宣統即位。復頒發上諭。中有云。除田桐宋教仁永遠不赦外。一體開復。

### 容閔借款

容閔字純甫。廣東香山人。爲中國第一次老留學生。與洪秀全有關係。洪氏敗後。復漫游四方。有志恢復。以年邁無力。及同盟會成立。容公甚喜。自美洲致書東京。言爲願代表借款。不須抵押。但由各省主要一二人署名而已。孫公於會場報告此事。幹部各人。如法署名。交容公全權辦理此事。民國成立。容公始卒。年已九十許矣。

### 折兵

長沙章行嚴士釗。丙午以前。耽於革命。自警鍾日報被封。東走扶桑。意轉和平。耽於英語。廬江女士吳弱男。素善英語。同盟會中人也。與行嚴友善。有意論婚而未成。章太炎先生與溥泉商之曰。着弱男以入會要行嚴。計必得。久之弱男竟嫁行嚴去。行嚴仍不入會。余戲之曰。周郎妙計安天下。陪了夫人又折兵。同人皆撫掌。

### 父子異黨